

Изучился красти по миру ходя, малоумны рабе, и непослушливы делателю бесования, ты наготу кабацкую понесл еси, ты живот свой пропил еси, и пришедшим по тебе не завидел еси, тем же и на полати гузном сажю уготовался терти, выиди за печь в пробойную улицу, чтобы ты з голоду не уморили.

Иже прежде зовема и в древняя (37) наша лета, корчмо, ныне же тайно глаголем и умилно взываем: радуися, кабаچه, отемнение Вычеготскому Усолию, и ныне не токмо ты Усолие почитает, но и в далних языческих странах слышат твое обнажение, еже во окрестных волостях, еже есть на Вычеге и на Виледе и на Лале⁵²⁷ и в протчих волостях сердечное въздыхание и в перси бление.

Кто твоя гнилая чудеса изочтет, кому ли ты потребна нареку? Беснующему ли ты уподоблю, но беснующии неволею страждет, ты же самоволно скакати и плясати повелеваеши, да того ради зовем ти: радуися, кабаچه, ярыгам и дьячком и прочим христианам самоволное⁵²⁸ (об.) бесование, злосмердение и зловерие, маломожное житие,⁵²⁹ многое въздыхание, кабаچه веселы, мучися своим неистовством.

Слава и ныне пустая, глас шестопятой.

Егда приидет от кабака на подворье к жене своей, мирная глаголаху: сего дни видевши подворницы его непрестанно кленяху, ови же укоряху его глаголюще: яко ясти нечего, а пьеш; гневно жена его злословяще вопиющи: сего дни з детми не ела, о владыко, чего для долго не завернешь ему шею на сторону, о чем долго не бросиш о землю, но убо з горем тако глаголется, яко не мощи терпети (38),⁵³⁰ всегда муж той пьян приходит, дом наш разорился, с ним бы разошлася, а дети бы чюжую сторону спознаша.

На стих[овне] стихиры. Глас пулной. Подобен: что ты наречем.

Что ты ныне, кабаچه, нареку, дурна ли или безумна, разбойника ли ты нареку, но манием о землю бросаешь, купца ли ты нареку, ибо не даром даеши многое твое бесование и больше истощание, кабаچه мои, моли о пиющих на тебе з голянскими своими.

[Стих].⁵³¹ Многия скорби с похмелья бывают.

Како ты ныне, кабаچه, призовем, умна ли или безумна, всякие беды от тебя приходят, но мы от тебя откупаемся и заклады емлем, иные перемменяем к тебе (об.), безчестия не хотим; кабаچه, моли з голянскими своими.

Стих: пианица яко теля наготою и убожеством процвете.